

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报 Aenhauh okbanj: CN45-0036 B.2025 Nd.4 Ng.23 Liggaueq ietceih nienz ndwensam ngeihroek Geizsoq: Gungh daih 3665 geiz

Gvangjsih Doxgaiq Aeu Gaeuq Vuenh Moq Daiqdoengh Siuhfei 155.1 Ik Maenz

Swcigih Sanghvudingh lwnh vunzlai rox, daengz 4 nyied 19 hauh, daengx gih doxgaiq aeu gaeuq vuenh moq caeuqfaenh vunzbaez 223.6 fanh, daiqdoengh doxgaiq gaicawx ngaenzsoq 155.1 ik maenz.

“Gou cawx aen binghsiengh caeuq aen densi ndeu, gungh yungh 5300 lai maenz, ndaej miz ca mbouj geijlai 1000 maenz boujdiep.” Cungzcoj Si mehmbwk singq Lij mwh cawx gyahden ndaej yungh gij cwngecwz aeu gaeuq vuenh moq, najriu najhai.

Bineix doxdaeuj, Swcigih Sanghvudingh gyarengz gya' gvangq aen gvaengx haeujcoengh doxgaiq aeu gaeuq vuenh moq, lienzdaemh

yaenqfat gij banhfap hengzguh aeu gaeuq vuenh moq aen gvaengx heiqli, gyahden, 3C soqmax, dienhdoung danci doengh gij dieg neix. Ndaej cwngecwz daiqdoengh, Gvangjsih doxgaiq aeu gaeuq vuenh moq cingzcih yienhda. Giz heiqli, heiqli bauqfei lawhmoq gungh sinhceng boujdiep mauhgvaq 2 fanh aen, ragdoengh heiqli siugai ngaenzsoq mauhgvaq 20 ik maenz; heiqli doxvuenh lawhmoq gungh sinhceng boujdiep mauhgvaq 4.8 fanh aen, ragdoengh heiqli siugai ngaenzsoq mauhgvaq 69 ik maenz. Giz gyahden, aeu gaeuq vuenh moq gungh haedsiu boujdiep 128 fanh faenh, ragdoengh

gyahden gaicawx ngaenzsoq mauhgvaq 39 ik maenz. Dienhdoung danci aeu gaeuq vuenh moq gungh haedsiu mauhgvaq 8 fanh faenh, ragdoengh dienhdoung danci gaicawx ngaenzsoq mauhgvaq 2.7 ik maenz. 3C soqmax huq cawx moq gungh haedsiu 77.4 fanh faenh, ragdoengh 3C soqmax gaicawx ngaenzsoq mauhgvaq 21 ik maenz. Doxgaiq dajcang ranz cawx moq gungh haedsiu mauhgvaq 3 fanh faenh, ragdoengh doxgaiq dajcang ranz cawx moq gaicawx ngaenzsoq mauhgvaq 1 ik maenz.

Yawhsuenq daih'it geiqdoh, daengx gih heiqli naengzyienz moq soq gailingz doengzbeij lai hwnj 20

baedauq. Gyahden soq gailingz doengzbeij lai hwnj 36% baedauq, doxgaiq doengsaenq yungh soq gailingz doengzbeij lai hwnj 52%.

Yamqlaeng, Swcigih Sanghvudingh yaek yungh ci moq hwnjhaw, gyahden aeuyungh gyalai doengh gij neix, laebdaeb doinyoengx doxgaiq aeu gaeuq vuenh moq cwngecwz doek dieg. Caemhcai, guh doengh gij saeh “haj haeuj”, couhwdg doxgaiq aeu gaeuq vuenh moq haeuj gihgvanh, haeuj giyez, haeuj hagdangz, haeuj segih, haeuj lajmbanj, hawj vunz lai bae sawj ngaenz cawx doxgaiq.

(Denz Hihyaz Lai Yijdanh)

Vuzcuh:

Ndaw Ndoeng Ciengx Cwz Lai Miz Ngaenz Roengz Daeh

4 nyied 19 hauh, Vuzcuh Si Lungzhih Gih Daboh Cin Dacwngz Cunh Aen Dieggiek Ciengx Cwz Niuzbwnh, boux ciengx cwz cingq gueng cwz. Geij bi neix doxdaeuj, Vuzcuh Si yungh aen vunqsik “dangjen + hozcozse + nungzhu”, ciuq saed dingh geiz guh ginghci ndaw ndoeng, doenggvaq aeu faenndei caeuq youq ndaw riengh ciengx nem langh ndaw ndoeng ciengx doxcaez, son nungzminz youq ndaw ndoeng ciengx vaiz ciengx cwz, hawj bouxminz lai miz ngaenz roengz daeh.

(Yenz Gveihaij ingi)



Haj Aen Minzcuz Hagdangz Ndaej Gij Sezbei Cuengqingj Denyingj Caeuq Denyingj

Mboengqneix, Cunghgoz Yinzgenz Fazcanj Gihginhvei caeuq Cunghyingi Cizdonz youq Nanzningz Si Yunghningz Gih Minzcuz Cunghyozy Lungzvazsih Yaugih guh aen yizsiz giensoengq “benq ndei haeuj ndawhag”, giensoengq 5 aen sezbei cuengqingj denyingj caeuq 50 ciengz denyingj hawj 5 aen minzcuz hagdangz gih raeuz, caemhcai guh aen yizsiz biengibaiz benq ndei haeuj ndawhag hagdangz guhyiengh.

Aen hagdangz ndaej soengq yawj seiz hwnj mbouj hwnjdangz gag dingh seiz yawj denyingj, lauxsae hagseng mbouj yungh ok hagdangz couh ndaej yawj denyingj. Ciuq gaisau, gij yienghsaeh “benq ndei haeuj

ndawhag” dwg aen banhfap youqgaenj Cunghgoz Yinzgenz Fazcanj Gihginhvei, Cunghyingi Cizdonz caeuq hagdangz cauhoq fuengsik doxgap, caezcaemh gangj ndei dangzshwcwng, hix dwg haenqrengz haeujcoengh Gvangjsih guh hong denyingj haeuj ndawhag, yaek rengzrwd doinyoengx Gvangjsih cauhoq son' gyauq dangzshwcwng cungh siujyoz, gyaak hwnqguh vwnzva ndawhag, couqmaenh gij eiqsik Cunghvaz Minzcuz ranz vunz ndeu.

Gvangjsih yawjnaek son' gyauq dangzshwcwng cungh siujyoz dangqmaz, yungh denyingj haeuj ndawhag doengh gij banhfap ndei neix, dazyinx caeuq gikcoi gak dieg

hagdangz yawj saedsaeh guh gij yienghsaeh denyingj son' gyauq neiyungz moqsag, hingzsih lai yiengh, doinyoengx denyingj son' gyauq byaij gya byaij saed. Daegbied dwg geij bi neix doxdaeuj, Gvangjsih baengh “sam nyied sam” yawj denyingj leih bouxminz, aeu denyingj haeuj ndawhag guhbaenz aen neiyungz youqgaenj, doenggvaq denyingj son' gyauq lijsieng saenqniemh, gwzming conzdungj, sevei cujyi hwzsinh gyacizgvanh doengh gij neix, ndaej daengz gyoengq hagseng haengjgyaez. Mwh bineix guh gij yienghsaeh “gaen denyingj youz Gvangjsih”, “gaen denyingj cimz gijgwn ndei”, denyingj ndei cigsoh

haeuj lajmbanj doengh gij neix, dinghmingz denyingj vwnzva fugsah aeu ngengq coh “bouxlaux bouxiq bouxdangcanz” doengh gij vunz neix, lai doinyoengx hong denyingj ndei haeuj ndawhag.

Gvangjsih yaek baengh baez saeh neix, lai ra “denyingj + shwcwng” “denyingj + gohbu” doengh gij vunqsik miz daegsaek neix, lwnh doi gij guhfap gingniemh okyiengh, yungh ndei dazyinx guhyiengh, hawj gyoengq hagseng doenggvaq gingqdaez roxyiuj Cunghvaz vwnzmingz gvangqlangh naeklaeg, youq ndaw denyingj roxnyinh gij raeuj lizsij, gij na vwnzva, caeuq gij ronghlwenq bouxvunz.

(Cwnz Ginz)